

釋淨土羣疑論卷第四

西都千福寺大德懷感撰

問曰法華經說謫斯經者常生難處永不見佛衆聖中尊如何此經謫法之人得生西方見佛聞法永離衆苦若爾如何常生難處釋曰觀經言如此愚人無惡不造經歷地獄受苦無窮下言念佛十聲得生淨土若言常生難處不許便永離彼彼既受苦無窮寧得往

生極樂故知無窮苦報罪滅便即有窮常生難處惡消何妨見佛又禪師引教意皆欲證第三階人有罪不可滅除無慙不生淨土廣引衆多聖教欲證邪人不生未知第二階人亦許謫法華不設謫常生難處不念佛得生淨土不若許得生即不可引前經爲證若不淨土此即第二階謫法衆生亦不得生淨土何爲偏證第三階人不得生也

問曰維摩經言菩薩成就八法於此世界行  
无瘡疣生於淨土信行禪師言此八法是第  
三階衆生往生之法觀經等教是第二階人  
往生之法今日既多是第三階衆生如何學  
第二階法求生淨土釋曰按禪師立教之意  
以當根佛法爲宗將爲得聖教之旨歸陵架  
於古今學者然禪師以其三義尋教知是當  
根法門一依時二約處三准人詳禪師立此

三門求諸教意可謂妙即妙矣能即能焉然  
古來盛德雖探蹟幽微學該內外義兼半滿  
窮法門之巢穴究真乘之秘藏未有如禪師  
作斯以判宗旨也然禪師自立其義而自乘  
其趣何者觀經言如來今日教韋提希及未  
來世一切凡夫爲煩惱賊之所害者說清淨  
業及未來世惡時也爲煩惱賊之所害者惡  
人也此教化茲穢土惡處也然此經具斯三

義計是當根佛法禪師言不當根何意也。維摩經八法不言爲未來世非惡時也。菩薩成就八法非惡人也。唯有化茲穢土是惡處也。此經有斯一義開彼二門而言當根何義也。問曰菩薩處胎經第二卷說西方去此閻浮提十二億那由佗有憍慢國其土快樂作倡伎樂衣被服飾香華莊嚴七寶轉關林舉目東視寶林隨轉北視西視南視亦如是轉前後發意衆生欲生阿彌陀佛國者而皆染著憍慢國土不能前進生阿彌陀國億千萬衆時有一人生阿彌陀佛國以此經唯難可得生何因今勸生彼佛國也釋曰只由此經有斯言教故善導禪師勸諸四衆專修西方淨土業者四修靡墜三業无雜廢餘一切諸願諸行唯願唯行西方一行雜修之者萬不一生專修之人千无一失卽此經下文言何以

故皆由懈慢執心不牢固是知雜修之者爲  
執心不牢之人故生懈慢國也正與處胎經  
文相當若不雜修專行此業此卽執心牢固  
定生極樂國也妙符隨願往生經旨經言娑  
婆世界人多貪濁信正者少習邪者多不信  
正法不能專一心亂无志十方淨土實无差  
別令諸衆生專心有在是故讚嘆彼國土耳  
諸往生者悉隨彼願无不獲果故知雜其行

墮於懈慢之邦專其業生於安樂之國斯乃  
更顯淨門專行而得往生豈是彼國難往而  
无生易哉學徒不可不專其道也又報淨土  
生者極少化淨土中生者不少故經別說實  
不相違也

問曰如觀佛三昧海經說五百釋子過去生  
中俱爲兄弟習學外典不信佛法父生憐愍  
爲說十二因緣甚深佛法誹謗毀咎臨命終

時受種種苦其父哀愍恐墮阿鼻教令稱佛  
其子欲死起故父心隨順父言稱南無佛陀  
父更教令稱南無達摩南無僧伽于已命終  
乘念佛善得生天上受天快樂天報盡已以  
舊有彼諷法之德墮阿鼻獄受衆劇苦若准  
此經臨終念佛雖得生天罪不得減還墮地  
獄如何下輩生類一聲念佛卽滅衆罪得生  
西方永絕沈淪不生惡趣恒受快樂乃至菩

提同念佛名昇沈有異釋曰彼雖念佛得生  
天宮受天快樂就者五欲更不修善念佛福  
盡還落三途如箭射空勢盡便墜不乘本願  
落惡趣中今此往生極樂蓮花開已見佛聞  
法漸漸進修諸道品法六波羅蜜念念恒行  
无始罪德悉皆消滅殊勝行願念念增長百  
千三昧皆悉現前觀入法空逮无所得豈比  
天宮五欲男女歡娛放縱六情造十惡罪同

彼淨土往生有情。又彼雖念佛。不發无上菩提之心。求生淨土。慙慙慚愧。又本願言。更經三惡道者。不取正覺。又不至心。但依父命。故罪不滅。暫得生天。還沈惡趣。又謗法罪。准依觀經。當下品下生。須具足十念罪。始滅除。彼不至心。復唯一念。故罪不滅。生天。還墜。譬如負債強者。先牽念佛。福強。暫生天。趣謗法罪。重還落惡趣。此彼兩經。有斯別也。

問曰。經言。內有邪三毒外。感神鬼魔。今言念佛三昧。得見阿彌陀佛。及臨命終時。佛與聖衆持花來迎。既是凡夫。有邪三毒。如何不是神鬼魔耶。釋曰。以有邪三毒。依經修行念佛三昧。得見阿彌陀佛。及命終時。聖衆來迎。悉是神鬼魔者。卽應一切凡夫。皆悉具邪三毒。縱不得念佛三昧。及修西方業。應一切時處。常見佛臨命終時。皆見阿彌陀佛持花來

迎者言不見不迎應无有邪三毒。又至心稱念阿彌陀佛作西方淨業修持齋戒等爲是邪三毒。因爲非邪三毒。因耶若是邪三毒。因者何。因念佛修善反起邪三毒耶。卽應世尊不勸衆生念佛等。而修善念佛乃招神鬼及魔破齋破戒。乃无魔鬼等相也。若非邪三毒。因者此是能滅邪三毒法。我修能滅之法。止見神鬼魔。汝本不作滅。因何爲。不曾見佛若

以此文爲證。定判是魔。卽應无邪三毒人。不爲衆魔所嬈。若然者何爲。阿難心生迷惑。不請如來住世。優波鞠多在定。魔以華鬘冠首耶。故知未必一切邪三毒皆感神鬼魔。一切无惑人皆无魔所嬈。豈關命終見佛皆是神鬼魔也。又有邪三毒感於神鬼魔。何必唯變佛身方成所感魔相。涅槃經言。未來世中魔或變身作比丘比丘尼優婆塞優婆夷身及

與佛身來惑行者。佛教弟子辨其魔說。及與佛說。令其覺知。衆生墜陷。入魔境界。多緣言教。被惑。豈皆形相錯亂也。故觀經中作十六觀。所見淨境。不辨邪正。若於觀中聞說妙法。佛遣出定。憶持不忘。令與修多羅合。以辨邪正。若如汝所解。卽汝所見。四衆皆應是魔。爲法身有邪毒故。又見佛身。縱是魔者。爲由我法真正。能出魔境。現佛身來惑亂耶。爲由我

法非真佛法。長邪毒法。感魔現來耶。若由法真正。故能出魔境。魔來現身者。縱使是魔。更須勤心念佛。以是出魔。真正法。故若法不真正。能長三毒。感彼衆魔。現佛形者。卽屠兒魁膾。旃荼羅等。悉長邪三毒。應言常見十方諸佛。命終之時。身心安樂。眼見諸佛。持花來迎。若爾者。觀經所說九品往生。聖衆來迎。此教應是那三毒法。此諸聖衆。應並是魔。卽應此



經非佛經法。是魔法也。又有邪三毒能感魔鬼。何必。要須見佛。方是魔來。願生西方。始感神鬼。但阿彌陀佛四十八願。接引一切罪惡衆生。悉得往生。聖教明說。古今已來。有諸傳記。咸陳嘉瑞。清樂神香。善相皎然。豈虛構也。汝須聞此妙法。見衆善相。理須發菩提心。專心修學。而乃不尋聖教。靡信佛經。見有修行。反生誹謗。此是汝邪三毒感神鬼魔。令汝顛

倒亂心。謗諸佛。教自毀。正信壞。佗深心。須覺其魔事。正信念佛。三昧。此卽是魔來。惑亂。汝善心。何須要爲現形。作諸佛相。方名神鬼。三毒感耶。且佛將般涅槃。告阿難曰。我善修四神足。能住世一劫。阿難嘿然。不請佛住。般涅槃後。迦葉結集。以六突吉羅呵責阿難。何曰。不請世尊。久住於世。阿難言。魔惑我心。忘請佛住。佛滅度後。惡魔離心。方生覺察。慚愧。

悔過故知魔來惑亂未必唯爲現形但令汝心邪錯卽爲魔得便又魔來顯惑易覺易除魔來隱惑難知難遣只如阿難在娑羅林外十二由旬爲六萬諸魔之所惑亂一切咸不知佛遣文殊師利持咒往救乃至垂欲滅度魔乃密蔽其心阿難不覺知滅度之後方生悔過此豈非顯魔易覺隱魔難知也爾只詢佗念佛之人言見佛皆是魔鬼曾不自覺不

信聖教所說魔已惑亂汝心耶又陞陀波菴菩薩爲往曇无竭菩薩所學般若波羅蜜不應空見大師遂卽賣身市肆惡魔知菩薩心生決定不能迷惑其心遂蔽衆人之耳令不聞菩薩賣身之聲有長者女在高樓上宿有善因魔不能蔽遂聞菩薩賣身之聲如是云云具如經說以此經准知不聞聲者爲魔蔽耳眼聞其聲者魔不能障聞聲也我亦如是

聞說西方淨土教法阿彌陀佛四十八願接引娑婆衆生十方恒沙諸佛世尊出廣長舌證勸往生信向專修淨業願生淨土此是我出魔境界魔不能惑如長者女在高樓上有勝善因魔不能蔽得聞菩薩賣身之聲我亦如是故稱讚淨土經言於此雜染娑訶世界五濁盛時若有淨信諸善男子或善女人得聞如是阿彌陀佛不可思議功德名號極樂

世界清淨莊嚴聞已生信當知此人无量佛所曾種善根如說修行一切定生无量壽國等故知修西方業者皆是无量佛所曾種善根惡魔不能蔽心遂能深生信解信知汝等見聖言无信向心魔蔽其心反生誹謗不覺爲魔所惑翻乃咲我有魔願細尋思早生覺察无得自誤及誤於人又依經文精進持戒修行三福作十六觀未知此業爲是爲非

邪爲正爲是魔法爲是佛法若是佛法是真  
是正見佛見魔此法恒正縱使見魔以魔爲  
佛但令依教修行斯有何苦若其此法是於  
魔法非真非正縱見真佛以佛爲魔行非佛  
法斯有何益如諸外道等佛在世日亦見世  
尊也子今定此觀經等教所說三福十六觀  
是正是邪若是正者依教修行見佛何錯而  
汝詢耶若非正者爾是闡提詢正法者深可

悲愍爲魔得便又維摩經夫魔波旬從萬二  
千天女狀如帝釋惑亂持世菩薩維摩大士  
從魔索女教令發心魔從淨名復更索女維  
摩還女女卽白言我等云何止於魔宮維摩  
詰言有法門名無盡燈汝等當學魔女得法  
隨魔還宮至彼天中化諸魔輩皆令捨諸魔  
業發菩提心故知得真正法縱在魔宮知魔  
是魔法恒真正此義亦爾但使念佛三昧是

眞佛法縱使魔化佛來以魔爲佛歸向之心  
轉盛菩提之意不渝亦何所畏優波鞠多這  
魔作佛五體歸誠以似於佛想佛禮拜此豈  
是錯假令同汝邪解所見皆魔以魔爲佛豈  
損於正見也又維摩經言十方世界中作魔  
王者皆是住不可思議解脫菩薩以方便力  
教化衆生現作魔王縱使是魔還是菩薩何  
所畏也強誹謗乎只如信行禪師作生盲觀

不別前境是聖是凡揔爲聖解善敬設要汝  
旣不別是佛是魔亦須揔敬作眞佛想又魔  
作非魔業非魔作魔業魔作魔業非魔作非  
魔業魔作非魔業者如弥勒下生時魔於夜  
半覺諸衆生令捨睡眠勤修出世非魔作魔  
業者如今衆生雖非是魔勸人造惡卽是魔  
業魔作魔業者如有諸魔等常惑行人令退  
菩提就著五欲非魔作非魔業者如諸佛菩

薩及善知識勸人發菩提心修衆善品等是  
何必汝語不當非魔作魔業魔作魔業耶經  
言如人覺賊賊不能爲也又如薩陀波崙菩  
薩精誠勇猛懃心行道唯念何時曇无竭菩  
薩從三昧出爲我說般若波羅蜜是時惡魔  
雨土砂礫石枯骨木枝惑亂菩薩菩薩爾時  
更增勇猛刺血灑地莊嚴道場魔雖惑亂更  
增菩薩精進之意我今念佛得見聖容縱使

是魔我將作佛想更增勇猛何所畏也上來  
廣引衆多聖教開悟爾心勿生謫也若爾所  
引經教若爲會通答有邪三毒不能覺察作  
身語意諸麤惡業毀壞正見事鬼神此名  
內有邪三毒外感神鬼魔也雖有邪三毒能  
親近善知識依三藏聖教諸了義經發菩提  
心修諸善品正信正見而無神鬼魔也縱有  
衆魔亦不得便諸佛護念爲其勝緣自菩提

心爲其正因何有魔鬼而來惑也

問曰西方淨土與兜率天宮二處校量有何優劣釋曰此處之優劣其事顯然有識咸知詎勞更問然前德已有淨土之論具言優劣无勞此釋然前德所製猶有未喻今更略辨顯其優劣以十二義彰其優劣一主二處三眷屬四壽命五内外六身色七相好八五通九不善十減罪十一受樂十二受生言主者

都率天主跡現凡夫雖名補處未成妙覺縱當成道只現化身阿彌陀佛已成正覺居處淨土多現受用身據實而論故无優劣降跡化物師弟道殊當成現成化佛報佛覺滿未滿現麤現妙優劣不同其義一也言處者兜率是娑婆穢土欲界劣天極樂是淨土勝方超衆妙刹論其勝劣无可比方美醜顯然其義二也言眷屬者兜率天宮多閻男女極樂

淨刹絕彼女人。以此相形自分好惡勝負懸隔其義三也。言壽命者兜率天壽用人間四百年爲彼一日一夜卽以彼之日夜三十日爲一月十二月爲一年壽命四千歲然有中夭不盡天壽詎比西方壽命无量阿僧祇劫以斯相並無以相傳長短不同其義四也。言內外者兜率天宮有內外院內卽親近補處永無退轉外卽耽茲五欲不免輪迴覺師子

道亞世親猶生外院婆藪般豆德隣无著延質內院故知內院難生多居外院還造十惡退沒三塗未若得生西方縱令下品蓮華啟發得遇觀音聞說甚深諸法實相除滅罪法永免循環以此相形豈爲比較其義五也。言身色者兜率天身色雖是天形清淨微妙實爲殊特然其終時五衰相現或兩腋汗出或光明隱蔽詎類西方純真金色光明照耀百



千由旬故。无量壽經以其貧窮乞士。類粟散諸王。將至六欲諸天。方於淨土。生者顏容相貌。威光自在。同夫聚墨。況以金山美醜不同。其義六也。言相好者。諸天身相。雖復端嚴。豈有四八殊姿。无諸美醜。西方淨土。乘佛本願。悉有三十二丈夫相。无有美醜。勝負若斯。其義七也。言五通者。如四十八弘誓願言。設我得佛。國中衆生。所得五通。或見或聞。下至百

千萬億諸佛國土。兜率諸天。縱有報通。飛騰往來。豈能越界。縱生內院。未階聖果。无經說彼歷事十方。以此校量其義八也。言不善者。彌勒天宮諸往生者。既是凡夫。生居欲界。縱逢補處。親聞大乘。具惑凡夫。更无願攝。還起諸惑不善之心。淨土衆生。无斯惡境。故乘本願。不善永亡。其義九也。言滅罪者。彌勒上生經言。若一念頃。稱彌勒名。此人除却千二百

劫生死之罪。但聞彌勒名。合掌恭敬。此人除却五十劫生死之罪。若有敬禮彌勒者。除却百劫生死之罪。豈比一聲稱阿彌陀佛。卽滅八十億劫生死重罪。得生西方。其義十也。言受樂者。兜率五受間生。極樂无有憂苦。其義十一也。言受生者。兜率受生。或在男女胎上。懷中淨土受生。唯居花裏。或寶殿中。其義十二也。略以十二種義顯其得失。廣則无邊。不

可具說。雖二處勝劣。其義如斯。然此二處往生。並是佛經勸讚。隨人所願。依教修行。並得往生。咸蒙利益。如願志求。兜率者。勿毀西方。行人願生西方者。莫詢兜率之業。各隨性欲。任情修學。莫相是非。卽爲佛法。迥相非撥。便行魔業也。何但不生勝處。亦乃輪轉三塗。諸修學士。當思勉勵也。

問曰。諸有學者。咸知西方勝於兜率。百千倍。

倍然恐淨土是彼殊方。諸願生人恐難得往。是以古今盛德碩學高僧咸謂難生。作兜率業。今既勸修淨土行。其義如何。斯疑最深。請除其惑。釋曰。此疑也。誠深矣。古來盛德博通。玄旨探究。內外精閑。大小尚於此義。猶自躊躇。況僕下愚。是非莫辨。豈能釋茲幽滯。辨之難易者哉。然尋諸聖典。可以談其旨趣矣。且如彌勒上生經。明往生兜率之行。與觀經无

量壽經稱讚淨土經等。明修西方之業。顯其同異。其義可知。然兜率與西方所修之行。十五同。八種異。一觀行同。二持戒同。三善同。四懺悔同。五造立形像有爲功德同。六誓願同。七稱念同。八禮拜同。九迴向發願同。十讀誦經典同。十一往生同。十二見聖同。十三歸敬同。十四聞法同。十五不退同。八種異者。一本願異。二光明異。三守護異。四舒舌異。五

衆聖異。六減罪異。七重惡異。八教說異。一觀行同者。願生兜率者。上生經言。一一思惟兜率。陀天上。妙快樂。作是觀者。名爲正觀。若佗觀者。名爲邪觀。願生西方者。觀經言。寶地寶樹寶池。佛菩薩等觀。一一觀察。亦言作是觀者。名爲正觀。若佗觀者。名爲邪觀。此卽各隨所願。觀所生處。天宮淨土。依正莊嚴。此其同也。二持戒同者。上生經言。應持佛禁戒。觀經

言受持。三歸具足。衆戒不犯。威儀。此其同也。三十善同者。上生經言。思惟十善行。十善道。觀經言。慈心不殺。修行十善。此其同也。四懺悔同者。上生經言。聞是菩薩大悲名字。五體投地。誠心懺悔。是諸惡業。速得清淨。鼓音聲。王經言。六時專念。五體投地。等此其同也。五造立形像。有爲功德同者。上生經言。造立形像。香華衣服。繒蓋幢幡。无量壽經言。多少修

善奉持齋戒。起立塔像。飯食。沙門懸繒燃燈。散華燒香。此其同也。六聖迎同者。上生經言。彌勒菩薩放眉間白毫大人相光。與諸天子。雨曼陀羅華來迎此人。觀經言。阿彌陀佛放大光明。照行者身。與諸菩薩授手迎接。此其同也。七稱念同者。上生經言。若一念頃稱彌勒。名觀經言。若一念頃稱彌陀。名合掌叉手。稱南無阿彌陀佛。此其同也。八禮拜同者。上

生經言。禮拜係念淨土論言。身業恭敬門。禮拜彌陀佛。此其同也。九迴向願生同者。上生經言。以此功德迴向願生彌勒前。觀經言。以此功德迴向願求生極樂國。此其同也。十讀誦經典同者。上生經言。讀誦經典。觀經言。讀誦大乘方等經典。此其同也。十一往生同者。上生經言。譬如壯士屈伸臂頃。即得往生兜率陀天。觀經言。如彈指頃。或言。如一念頃。或

言譬如壯士屈伸臂頃卽生西方極樂世界  
此其同也十二見聖同者上生經言值遇彌  
勒觀經言見佛色身衆相具足此其同也十  
三歸敬同者上生經言頭面作禮觀經言卽  
下金臺禮佛合掌此其同也十四聞法同者  
上生經言未舉頭頃便得聞法觀經言光明  
寶林演說妙法此其同也十五不退同者上  
生經言卽於无上道得不退轉阿彌陀經言

衆生生者皆是阿鞞跋致此其同也云八異  
者言本願者往生兜率彌勒本无誓願往生  
西方法藏比丘發四十八願无願若自淨度  
水有願若乘舟而遊斯一異也言光明者作  
兜率業慈氏神光不來攝受修西方業者阿  
彌陀佛白毫毛孔圓光相好光明等一切神  
光皆照念佛衆生攝取不捨光照如晝日之  
遊无光似暗中來往斯二異也言守護者兜

率業者慈氏菩薩不來守護西方業者觀經言。无量壽佛化身無數。與觀世音大勢至常來至此行人之所稱讚。淨土經言。必爲如是住十方面。十苑伽沙諸佛世尊之所攝受。十往生經。佛遣二十五菩薩常守護行人。有護若多人共遊。不畏強賊所逼。无護似孤遊嶮徑。必爲暴客所侵。斯三異也。言舒舌者。上生兜率。无十方諸佛舒舌證勸。西方極樂有十

方種覺舒舌證誠。如兜率易往淨土難生。十方世尊何須證勸。斯四異也。言衆聖者。兜率之業。无有衆聖守護。發願願生西方。卽有羣聚菩薩。山海慧菩薩。發弘誓願。若有一衆生。生西方。不盡。我若先去。不取正覺。斯五異也。言滅罪者。上生經言。稱念彌勒。但除千二百劫生死之罪。觀經言。稱南无阿彌陀佛。於念念中。除八十億劫生死之罪。斯六異也。言重

惡者上生經言。若善男子善女人。犯諸禁戒。造衆惡業。觀經言。或有衆生。作不善業。五逆十惡。具諸不善。斯卽造五逆罪。不生兜率。然得往生西方淨土。斯七異也。言教說者言。兜率易生。西方難往。此乃凡夫之輩。斟酌佛經。窮之聖典。竟无經說。縱使道窮四果。尚昧衣珠位階。十地猶昏羅穀。況凡夫學侶。正習未亡。見修兩惑。何時整捨。縱尋聖教。同諸摸象。

豈得依之。楷定爲司南之語哉。然无量壽經自有誠教。言橫截五惡趣。意趣自然。閉昇道无窮極。易往而无人。此卽佛教顯然。斯八異也。上來同文十五。猶不可說。於難生況異有八門。而乃說言難往。請諸學者尋理及教。鑒其難易二門。可永除其惑矣。理窮聖教。於一法門。或讚或毀。皆是勸入道之方便。捨堅執之愚惑。今爲此意。請審詳之。



問曰依對法論九種命終受生謂欲界死欲界生欲界死色界生欲界死无色界生如是等至將死位欲受彼生卽起彼界煩惱潤生今生西方起何煩惱以潤生也釋曰此有二釋若未離欲界欲生西方者起欲界愛潤淨土生若已離欲界欲得色界定者起色界愛性者退起欲色煩惱生於西方若不退者必

不生淨土彼說淨土是欲色二界攝故有說雖非欲色二界攝然是色相土故不可以離色界煩惱得无色界定而生色相淨土也有釋言生於淨土命終之時大聖來迎慈悲加祐令心不倒便卽命終若起煩惱卽名顛倒然受生之法必須煩惱此乃用煩惱種子以潤有支令生相續亦无有過問有學聖人可

以種子潤生既是凡夫唯用現行煩惱何得

說言種子潤生也。答論據穢土受生。凡夫唯用現行煩惱。以凡夫煩惱熾盛。命終皆悉顛倒往生淨土。蒙佛加祐。心不顛倒。煩惱不起。不可例同穢土。生法雖無。聖教義准。可知如无心死。理必定。然或起現行義。亦無失。

問曰。生淨土者。十二有支。三界所攝。未知淨土分位。緣生。是何攝。釋曰。此有二釋。一釋淨土。卽三界所攝。未離欲惑。往生淨土。無明支。

行支。卽是欲界。識名色。六處。觸受。五果。種子。還是欲界。愛取有支。既是欲界。生老死果。寧非欲界也。若已離欲界。欲得色界心。十二有支。卽色界攝。法相道理。其義決然。有說淨土非三界攝。前已廣成立。此十二有支。據三界說。故於淨土。不分別也。又此十二有支。就穢土中。亦攝法。不盡如唯別定業。受得別報。果豈得說爲十二支攝。故知分位緣生攝法。不

盡也

問曰若生淨土不起諸惡者爲亦不起諸煩惱耶且如初地菩薩猶有微細破戒之垢三地菩薩猶起我執七地已來猶有愛佛愛菩提障如何亦生彼土現是凡夫卽不起於諸惡煩惱也釋曰生彼凡夫雖具煩惱由關惡境不起何妨如地獄衆生十不善業道中唯起五業道貪瞋邪見惡口綺語地獄雖是惡

趣尚關五惡業沉於淨土而无關惡不生耶問曰豈彼淨土頓不起餘一切煩惱爲亦得起有覆无記諸煩惱耶釋曰迷理煩惱俱生起者彼亦得起以是凡夫未悟甚深真如實相不妨得起分別起者彼不現行論說分別我見緣邪教起然彼无邪教故不現行我見是諸惑之本本既不起未惑不生任運煩惱不緣教生既是凡夫起亦无廢然此煩惱依

對法論若任運起能發惡行亦是不善彼所起感不發惡行故唯有覆无記性收經遮不善不言有覆但言无不善名不妨起煩惱也愛佛愛菩提法執煩惱也

問曰經言生彼西方皆是阿鞞跋致或言唯是正定聚无有邪定及不定聚然阿鞞跋致位非下凡正定之聚道登聖果今既凡夫往生淨土彼豈即聖人寧得頓超阿僧祇成歡

喜地然退轉凡夫生彼不可即至阿鞞跋致之位邪定不定聚者即登正定聚也不得者即與觀經等文相違如得者復與衆經論義乖反兩文鉞楯請爲解釋也釋曰此兩經文實成乖反然淨土穢土區域既殊此生彼生根機亦異故判正定聚等高下不同阿鞞跋致淺深亦別然娑婆穢土聖少凡多信希諷衆根行淺者多遇退緣邪風所扇悉皆退轉

依諸經論說有四退。一信退。二位退。三證退。四行退。信退者十信位中初五心位猶有退生。初見斷善根等後位不然。位退者十住位中前六心位猶得退敗。作二乘等後位不然。證退者十地已前諸凡夫位於前所證尚有退失。十地不然。行退者七地已前於所聞行尚生怯劣不能修學。不能於念念中恒修勝行。中間間起諸有漏煩惱。人法二執等心名

爲念退。八地菩薩入第三阿僧祇。无四種退於諸行中真修一切行於一切時念念相續常起无漏人法空觀。无有一念起有漏心善惡无記。八地菩薩等具四不退故名阿鞞跋致菩薩也。餘七地等无四不退故全不得名阿鞞跋致。若從一義初地菩薩入第二阿僧祇以預聖流斷於見道分別二障證遍滿真如得百法明門住歡喜地。此具證行兩種不

退亦得名爲阿鞞跋致。乃至七地已來。猶有愛佛愛菩提障。現行間起。有漏等心。未得行不退。亦名非阿鞞跋致也。而隨少分。亦名阿鞞跋致。菩薩也。依菩薩本業瓔珞等經說。第六住名正心住。此位菩薩。猶有退菩提心。作二乘等。如舍利弗等是也。七住已上。无有此退。故於四不退中。唯有位證行三不退。无初不退。隨分亦名阿鞞跋致也。若依起信論

等從初發心住。總名入位不退。十住已前。十信菩薩名爲外凡。亦曰輕毛。凡夫譬如輕毛。隨風東西。故有退轉。十住菩薩非是輕毛。以善根堅固。不爲邪風所動。入內凡位。无有位退名。阿鞞跋致菩薩也。依此積土十信菩薩。爲邪風散動退菩提心。退菩薩行。輪轉三惡道。非阿鞞跋致也。淨佛國土。若入十信。初五心及未入十信。一切衆生。論其信位。雖未堅

固猶如輕毛然无邪風之所扇動令其退轉  
菩提之心造衆重罪輪迴惡趣以闕退緣无  
衆退具唯有進道殊勝之緣雖未入於阿鞞  
跋致之位而亦得名阿鞞跋致也而退法思  
法護法住法堪達法學无學聖人雖是鈍根  
俱合名退轉若生人中逢五退具所謂長病  
遠行和諍僧事習誦等五退具雖得聖道斷  
除煩惱逢此退緣還復退轉起諸煩惱若生

天上无五退緣雖未練根至不動姓闕退緣  
故不退起惑望姓雖與不動姓殊不退修惑  
與彼第六不動種姓无差別也彼亦如是爲  
生淨土无衆退緣雖是十信假名菩薩等悉  
得名爲阿鞞跋致也若穢土之中小乘燻頂  
大乘十信等以根不定或遇惡緣退造五逆  
入邪定聚邪者三惡道果也定者五逆業因  
也若人造五逆之因決定无間墮三惡道名

邪定聚若遇勝緣修道得入不退轉位名正定聚。正者涅槃離繫擇滅果也。定者入法二空无漏聖道也。修得聖道決定當證涅槃正果離繫擇滅名正定聚。餘名不定聚。以或能造邪定聚或能修正定聚在二不定名不定聚。此之三類衆生其數非一故名爲聚也。今生西方无有惡緣或造无間之罪入邪定聚位行難淺唯遇勝緣念念進修大乘聖道決定无退故得名爲正定聚也。不得一一同彼娑婆退轉之處判阿鞞跋致及正定聚位地高下。卽令淨土无退轉處同於此方也。以淨穢二土退不退緣有无差別故於此非阿鞞跋致位非正定聚位。生彼西方悉得名爲阿鞞跋致。及正定聚也。以生彼土无有退緣及決定不造邪定聚也。

問曰。如法華經說著樂癡所盲。又言耽著世



樂无有慧心。又聖教言若不厭苦无以樂求。涅槃若不樂求涅槃。便即樂著。生死若然者。生彼淨土。與上義相違。便成障道之患。一即耽著世樂。不有出世之心。二即无厭苦心。絕求寂滅之果。斯為大損。何願生乎。釋曰。斯義別也。此難不然。穢土五欲增長貪心。造十惡業。輪迴惡趣。故經說言。著樂癡所盲也。淨佛國土。雖有眾樂。順於出世无漏之心。大乘法

樂三昧定樂。非染著樂。故能導凡情令增聖道。故稱讚淨土經言。極樂世界淨佛土中。晝夜六時常雨種種上妙天華。光澤香潔細軟雜色。雖令見者身心適悅。而不貪著增長有情。无量無數不可思議殊勝功德。又言大乘法樂常无退轉。无重行願。念念增進。速證无上正等菩提。又願生之人。並是厭茲穢苦。欣求涅槃。方始樂往。西方行菩薩行。此已有欣

厭之意更生无退之方豈須有苦業身方與  
寂滅之慮又樂求涅槃非唯厭苦或聞諸佛  
功德不可思議或聞六波羅蜜諸道品法或  
觀諸大菩薩遊戲神通或嗅妙香或嘗美食  
皆能進道趣求涅槃故背生死向還寂滅非  
唯一途不可唯言无苦可厭遂不許欣求涅  
槃也

問曰如論中說過去生中所造重罪縱修勝

善乃至得聖猶受過去定報之業如離越阿  
羅漢等今既具造重罪往生西方雖生淨土  
既无聖道生彼國已爲受苦耶爲不受苦耶  
若受苦者卽不應言无有諸苦但受諸樂若  
不受者生彼凡夫未起一念无漏聖道如何  
造彼重罪而永不受苦耶釋曰此義不定不  
可一准諸受苦者爲生穢土縱令得聖身是  
苦身乘是苦身受斯苦果生彼淨土具惑凡

夫雖无聖道不及聖者然是極樂世界殊勝  
淨身見佛聞法修行大乘佛本願故能超此  
聖人不受苦報只如退法種姓不及思法種  
姓而思法勝種姓生於人中具有五退緣雖  
勝而退退法種姓生於天中闕五退緣雖劣  
不退不爲性劣在上而退不爲性勝在下不  
退此亦如是雖得聖道爲生穢土而受苦果  
爲生淨土雖是凡夫而无惡報善緣力加必

无苦報如阿闍世王定不受苦也

釋淨土羣疑論卷第四終

又禪師引教意現本作所○三求諸教意現本

聖三轉關牀關字現而皆涂著懈慢現本

○四定生極樂園也現本無○十方淨土實无

差別現本作實十方○六准依觀經准字現

反起邪三毒耶反字現○止見神鬼魔止字現

感魔現來耶現本無○魔來現身者現本無

善相皎然皎字現○反生誹謗反字現○十隱

魔難知也現本無○薩陀波崙崙字現○如是

云云云云二字現○接引娑婆衆生現本作

若是正者現本作若○十三菩提之意不渝渝字

餘十四精進之意現本無○十五十一受樂現本作

○十八除却百劫現本作○廣則无邊現本無

當思勉勵也現本無○廿三兜率業者現本無

淨土非三界攝現本無○廿八請為解釋也現本無

○廿九未得行不退現本無○卅淨佛國土現本無

群疑論卷四

三十一

三十一